

2838.270/0
0008

《惠安鄉土志》无分卷
(分36课)

(民国)杜唐編

民国二十三年岁次甲戌

(1934年)铅印本

一册(全)

「板本根据
杜唐自序文
未刻：民国二十
三年七月廿案
而考定。」

史·地理
方志

惠安鄉土誌

序

今試問生為惠安民衆而不知故鄉之地理如何
治如何人物如何可乎則皆曰不可然而忽近圖遠
能講五大都洲而不能詳一小鄉曲民衆究竟不知
不覺不惟古事盲心即目前亦啞口也故唐擬於民
衆教育出版部當以鄉土誌為先着欲改良惠安先
使民衆知惠安自宋太平興國六年分域至今進化
到何地步而後可補其不足革其不良而勉為新惠
安但此志非自今始著也唐於民國十五年秋已出
版編作三十二課為小學教授之課本補史地所不


及至十七年星洲惠僑欲知鄉土以發愛國之觀念
再版使兒童讀矣不旋踵又購盡無一餘本嗣後唐
在鼓浪嶼英華書院教授八載出版惠安古蹟新詠
稍離故鄉少與民衆接觸遂不暇再整理此志去

梓重鐸惠安中學今春四月奉委長民衆教育館
自愧冬烘不堪對此而既屬義務性質自不獲
辭故謹就所見貢獻於民衆惟前三十二課邑
志例茲增而三十六課則按新省志例而參酌之課
各一門內容因變遷有刪改有添置雖限於篇
幅不能纖毫畢至然於邑志之重要無不搜括而出

鑒其已往多以現在豫計將來民衆手此一編而讀之或者發愛鄉思想踐先賢之遺跡能建前人未建之功未可知也識見淺陋謬誤之處在所不免閱者有能匡我不逮乎則當銘感無既矣

民國二十三年七月惠安縣立民衆教育館館長印

陶杜唐自序



第一課 疆域

一位置 惠安位於閩南，距閩侯省垣三百餘里，正北曰白水鋪，距縣四十里，外則楓亭，正南曰北鎮，距縣五十里，外則晉江，後渚，正西曰螃蟹嶺，距縣四十里，外則晉江，白洋，正東曰小岞，距縣四十五里，外則大海，西北為東坑寨，後達仙遊，下安里，西南則虎窟，達晉江市，東北則黃崎，東南則大岞，俱臨海。

二名稱 其名惠安者，或謂因太平興國間古縣易惠安，若逢崔知事送我上青山之讖也，或謂因嶽神封靈惠王，張惻封靈安王二神甚著名而稱也。

未知孰是

三沿革

惠安古為七閩地秦號閩中漢曰冶縣東

漢曰會稽三國吳

安晉安晉安宋齊曰晉平

梁陳曰南安隋曰泉州唐曰武榮五代曰

至

宋太平興國六年始分晉江東北地而置縣焉由

元而明而清至

沿其舊

四區域

前分為文質信義行滿忠恕四鄉十八里

三十四都置保正副到康熙二年改為六十八鋪

近則分稅區為附廓塗寨東嶺崇武東園后港洛

陽輞川壩頭黃塘十一區茲自治區又將后港合

台東園墅寨合崇武輞川合附廓改為七區

第二課 緯候

惠安緯線在赤道北二十五度弱經線在舊燕京二度強其氣候溫暖與晉邑同春多颶風夏秋間陰雲湧起大帽山前後鬱結不散必有暴風大雨俄頃即止東北風三時常有飛沙揚塵難於逆旅農人多憂旱清明後南風為多霜降後北風為常反是則大風將作天邊有蜺虹如帆如鱉尾皆颶將至海水多穢或蛇浮水皆颶將至近海者宜慎之

第三課 大事記

一兵事 宋代海盜頻起至端宗航泉蒲壽庚拒而
降元略地至惠廬舍典籍抄燬無遺元至正時湖
頭賊張治因肆掠而虎窟築寨明洪武時倭掠郡
邑嘉靖時倭又逼城林咸李愷張宇禦之而林咸
陣亡塋鴨山清康熙時戰於塗嶺旋敗退十九年
鄭經將軍朱天貴據崇武秀塗而我邑王烈擊退
至咸豐時林竣反有邱二娘挾妖術來攻城未幾
平同治末惠多盜匪却掠時聞王按司德榜用重
典而道路乃可行嚴明公正以殺止殺至光緒時
民有小康可樂矣

二災祥 宋至道三年甘露降治平地震有聲如雷

崇寧九年大

有渴死明宏治六年七月初三

大風雨自卯至申發屋瓦折林木

沒不可

勝計十二年甘蔗生花結實如黍是年饑嘉靖廿

九年訛

墮地婦人犯之輒昏仆桃枝鞭之

乃疏紫扣樟腦為之妖乃息萬歷廿四年八月颶
風大作九月大震洛陽橋欄圯乾隆時碣石橋大
榕夜發大自焚三十年街上行人忽冷風吹過辭
子不知何人割去凡載此災祥非徒為談資亦所
以使人修省也

第四課 山川

險要 西北背山東南面海元末變起莆中始寨
白水明永樂間有島夷患乃造沿海五城東南有
警輒備虎窟而最要莫崇武大岞孤懸海外上與
莆之南日湄州下與晉之永寧祥芝相為犄角邑
北之沙格峯尾東北之黃崎小岞南之獺窟皆縮
居內地藉崇武大岞為聲援善制險者當籌以防
之然近則築火山為寨以防城矣

二山脈 山自德化戴雲發脈至晉江吳洋村分一
支北行循日曝嶺為觀音山為塗嶺白水與仙遊

陽界其南至五公山是為北紀分一支東南行至
晉江廬田迤南循螃蟹嶺至田船報劬山抵洛陽
與晉江隔界是為南紀迤東循芥嶺至鷄籠山三
髻山又東北至大帽其南為雲峯山東平卧龍至
螺山轉北為峯崎轉南為盤龍轉東為城山文筆
靈瑞尖崢峯大岬是為中紀

第五課 水利

一水勢 邑諸水自西北發源循山勢東南由澗而
溪而埭而港而海正北曰傳埭東北曰漆奇港正
南曰馬山埭西南曰洛陽港正東曰峯崎港東南

曰前林港北紀諸山之水入傅埭與漆奇南紀諸
山之水入傅埭與漆奇南紀諸山之水入馬山埭
洛陽港惟中紀諸山之水出大帽及出縣左右山
谷間者則入峯崎
山文筆而東者則入前
林港

二橋梁 萬安橋在邑南二十里為宋蔡襄建三千
六百尺翼以扶欄醴水為四十七道誠閩南一巨
工也通濟橋在邑東五里宋黃時亨建有記碣石
橋在邑北二十五里宋邑令張介建谷口橋在西
南三十里洛陽木橋自楓往泉直達陳三壩至晉

江今已圯矣輞川橋在邑北十五里渡潮汐出入
明蔡清有紀餘如青龍橋在邑東北十里仁壽橋
在邑北三十里均有名

第六課 城市

一城 縣治在螺山之陽去府城東北五十里屢燬
於元明洪武後始闢廳事翼兩廊重建譙樓舊無
城嘉靖卅一年以倭故巡撫王公忬請省金萬五
千七百有奇以授知事俞文進一年告成周圍九
百八十六丈五尺零城門四今東北增一門水涵
七樓四外則崇武輞川小岵獺窟黃崎峯尾以及

洛陽俱有城遺址猶存焉

二市一邑中有市為貨物集中之點近改設為十字
街雖不及崇武輞川洛陽東園秀塗均闕厦輪船
運到之便利然近有車路亦易發達西有黃塘田
船北有塗嶺峯尾沙格東有塗寨東嶺西埔街南
有芸頭門頭嶺窟各建墟市焉

第七課 名勝

惠安科峯為宋廬潛聖讀書處螺山為崔拱父子讀
書地文筆為梁克家先人墓一片瓦有戴卓峯石室
淨峯為張襄惠發祥名山均有石刻有遺址有風景

可觀至太岵八景如白鶴升天犀牛望月滴水彈琴
石鐘石鼓孤嶼含青三山一洞而以龍喉吐霧獅石
蓬島為著與夫松洋洞之老藤亦

若其邑之

鳴皋堂見梅亭雪洞岳陽樓涉園南園鄉之龍山錦
谿書

堂均頽圯無存惟美女峯為閩王審知

后生長之盤龍山為廣武王潮陵寢處是終古不沒

第八課 戶口

康熙時城內分七舖城外分六十一舖共有一千五
百四十餘鄉戶共三萬一千強丁口共二十五萬弱
至道光十一年地方官親臨各鄉查照編冊造報戶